



Agencija za vodno  
područje rijeke Save

SARAJEVO

AGENCIJA ZA VODNO PODRUČJE RIJEKE SAVE SARAJEVO

Hamdije Ćemerlića 39a Tel: +387 33 726 400 Faks: +387 33 726 423 Web: www.voda.ba Email: info@voda.ba

Na osnovu analize trenutno zabilježenih vodostaja na hidrološkom monitoring sistemu (automatske vodomjerne stanice) na vodnom području rijeke Save, daje se:

## INFORMACIJA O TRENUTNOM STANJU VODOSTAJA

Datum i vrijeme: 28.03.2025 – 12:00 h

### Vodno područje rijeke Save u Federaciji BiH

Trenutno je vanredno hidrološko stanje na području Unsko-sanskog, Zeničko-dobojskog, Tuzlanskog i Kantona Sarajevo, kako je i prognozirano u Obavještenju AVP Sava 24.03.2025. godine. O stanju vodostaja na vodnom području rijeke Save u Federaciji BiH, Agencija za vodno područje rijeke Save redovno izvještava subjekte definisane Federalnim operativnim planom odbrane od poplava (FOP).

#### Sliv rijeke Bosne

Na većini vodomjernih stanica na gornjem dijelu sliva Bosne, vodostaji su u stagnaciji i blagom opadanju. Količina i intenzitet padavina u narednim danima neće uzrokovati novi značajniji porast vodostaja. Stoga se tokom vikenda očekuje stabilizacija i prestanak vanrednog hidrološkog stanja na području gornjeg dijela sliva Bosne.

Na području donjeg dijela sliva Bosne, nizvodno od Grada Zenice te na slivovima Usore i Spreče, vodostaj je trenutno u porastu što je izazvalo plavljenje okolnog terena. Nizvodno od akumulacije Modrac, poplavljene su poljoprivredne površine uz rijeku Spreču. Na prestanak vanrednog hidrološkog stanja uticat će i pražnjenje akumulacije Modrac.

#### Sliv rijeke Une i Sane

Porastao je vodostaj na većini hidroloških stanica na slivu Une. Značajniji porast vodostaja je na slivovima Sane i Sanice, a lokalno je zabilježeno i izlivanje iz korita. S obzirom na prognoziranje nove količine padavina, tokom dana se očekuje dodatni porast vodostaja na HS Ključ, HS Sanica, HS Hrustovo, HS Sanski Most, HS Dabar i HS Bliha. Posebno se sugeriše stanovništvu i službama CZ na pojačan oprez i poduzimanje mjera na samozaštiti i zaštiti ljudi i materijalnih dobara.

#### Sliv rijeke Save

Dolazak vodnog vala sa slivova Bosne, Vrbasa i Une, kao i dotok s uzvodnog dijela sliva iz Hrvatske i Slovenije, usloviće porast vodostaja na rijeci Savi u narednim danima. S obzirom na tendenciju rasta vodostaja, očekuje se dostizanje kota za početak redovne odbrane od poplava na hidrološkim stanicama HS Svilaj i HS Grebnice, tj. na području Odžačke i Srednje Posavine.

VANREDNO HIROLOŠKO STANJE PODRAZUMIJEVA POVEĆAN VODOSTAJ NA RIJEKAMA USLIJED PADAVINA I  
MOGUĆNOST POJAVE POPLAVA MANJEG, SREDNJEG I ZNAČAJNOG OBUUHVATA:

**NORMALNO STANJE**  
Normalni hidrološki uslovi

**IZLIJEVANJE IZ KORITA**  
Ispunjeno korito vodom i  
lokalno izlivanje

**POPLAVE**  
Izlivanje vode na okolno područje,  
pojedine objekte, polj. zemljište i puteve

**ZNAČAJNE POPLAVE**  
Plavljenje naselja,  
objekata, puteva




Agencija za vodno područje rijeke Save

SARAJEVO

AGENCIJA ZA VODNO PODRUČJE RIJEKE SAVE SARAJEVO

Hamdije Ćemerlića 39a Tel: +387 33 726 400 Faks: +387 33 726 423 Web: www.voda.ba Email: info@voda.ba



▼ Normalno stanje (N) ▼ Pripremno stanje (P) ▼ Izlivanje iz korita (R) ▼ Poplave (V) ▼ Značajne poplave (Z)

Informacija o prognozi se daje na osnovu prognoziranih podataka padavina, tako da promjena vremenske prognoze može uticati i na prognozirano hidrološko stanje. U slučaju značajnije promjene vremenskih uslova na vodnom području rijeke Save, AVP Sava će pravovremeno izdati obavještenje o prognozi vanrednog hidrološkog stanja.

Sugerišemo nadležnim institucijama da prate situaciju na terenu i postupaju u skladu s ovlaštenjima, a službama koje provode mjere i aktivnosti zaštite i spašavanja ljudi i materijalnih dobara preporučujemo pojačan oprez. Nadležne službe civilne zaštite treba da upozoravaju stanovništvo da postoji opasnost od prilaska obalama s obzirom na moguće povećanje dubina i brzina tečenja vode u rijekama, te da im pravovremeno daju obavještenje sa uputama i smjernicama, kako bi stanovništvo na vrijeme poduzelo mjere samozaštite, s ciljem smanjenja šteta od štetnog djelovanja poplava.

Informacije o aktuelnim vodostajima na svim hidrološkim stanicama na vodnom području rijeke Save u Federaciji BiH su dostupne na internet stranici Agencije za vodno područje rijeke Save: [www.voda.ba](http://www.voda.ba). Sve aktivnosti o praćenju i obavještanju o trenutnom hidrološkom stanju provode se u skladu s Federalnim operativnim planom odbrane od poplava.

Sarajevo, 28/03/2025. 12:00

AVP Sava  
Sektor za ISV / Odjeljenje za prognozu

VANREDNO HIROLOŠKO STANJE PODRAZUMIJEVA POVEĆAN VODOSTAJ NA RIJEKAMA USLIJED PADAVINA I MOGUĆNOST POJAVE POPLAVA MANJEG, SREDNJEG I ZNAČAJNOG OBUUHVATA:

**NORMALNO STANJE**  
Normalni hidrološki uslovi

**IZLJIVANJE IZ KORITA**  
Ispunjeno korito vodom i lokalno izlivanje

**POPLAVE**  
Izlivanje vode na okolno područje, pojedine objekte, polj. zemljište i puteve

**ZNAČAJNE POPLAVE**  
Plavljenje naselja, objekata, puteva